

112 年全國語文競賽原住民族語朗讀 【撒奇萊雅語】 國中學生組 編號 4 號  
anu u saydan kaku

anu u saydang kaku, saayaway a nika mutizeng i ayawan nu  
micudaday, misiayaw tu masuaway tu sakasitinengaw nu tizengan a  
micudaday sa, paliyawwan aku pakatineng caniza i takuwanan. kiyu,  
sakamuen aku caniza tu, “ saicelangen minanam tu sakalatademawaw nu  
uzip, salipahaken ku nikauzip tu demidemiad, ” han aku a paicel caniza.  
  
caay ku mamacili, mamikaynah, mitungangan atu palalaecusay a  
pauning tu cimacimaan a micudaday, caay ku papatalawen a paduka i  
balucu’ tu canacanan aca a kamu. u mamaylay kaku pahalhal tu sapasibana’  
ca nizaan, misumad tu mulalaway a nisulitan atu pasibana’ a pakatinengen  
tu micudaday aku. u canacanay tu a kawaw nu masakaputay, sadimelen aku  
a milaheci. amana pakayadahen ku sasulitan i luma’ nu micudaday, caay ku  
papacien aku papiasip tu kalyuhan naniza a cacudaden. u pipaichel nu hen  
a minanam ku kaidihan aku. papisinanuten aku ku pinanam nu micudaday,  
misaicel tu tineng a palatademaw tu nikauzip nu tizeng. paaninen ku  
katinengan nu uzip i niyazu’, amanan ka u tiimintu ku nisekingen, anu  
siwantantu ku ninanaman nu micudaday, zahkeztu ku balucu’aku canizaan.

tudungen aku ku kawaw nu saydang aku a milecad tu kasikaz atu  
kanamuhan nu tademaw i cinizaan, kiyu. milecad ci imi a saydanan ku nika  
dimel nu kawaw, milecad ci habay saydangan ku nikadamsay nu balucu’,  
milecad ci tuku saydangan a maylay tu tuud amin, milecad ci kalang  
saydangan ku kaamelik nu kawaw, miedad ci tipus saydangan a kalahekelan  
nu tademaw, milecad ci sayum saydangan u mabalakasay a pakanamuh tu  
tademademaw. u tatudungen aku ku kawaw naniza, anu u saydang kaku, u  
mamilecad canizaan kalasaydang aku, u kanamuhan nu micudaday i  
picudadan, atu kanamuhan nu binawlan i niyazu’.  
  
musepi kaku samaylayay nu pulung a saydang, u micudaday aku,  
nuayzaay a piseking, maala ku saicelay nu selal a kaput. patakalawen nu  
siyawcang ku ngnagan aku i kasaupuan, patalaayawen kaku papisakamu,  
mibangbang tu balucu’ nu micudaday. tayzaa nuayawan a misakamu nasa  
kaku, bahal, matengil ku ngiha’ niina aku, “ lekala tu! kasic! ”. sa. aya! u  
simpi aca aku kuyni.

## 假如我是一位老師

假如我是老師，第一次站在講台，面對渴望知識的同學，我會告訴他們：「努力學習，快樂生活。」

我不會隨意批評、指責、誤解或冤枉同學，不讓他們的心靈蒙上陰影。我會認真備課、批改作業、認真講課。班上的大小事，都盡力去做、去解決。我不會給太多的回家作業，也不會讓他們做死記硬背的功課。我只求他們認真學習，並給予同學們充足的時間去努學習，要求他們靈活掌握學到的知識。我不求他們得高分、求第一，只求盡到學生的本分。

我要像我的老師一樣受人敬重與愛戴。希望自己能有 Imi 老師的嚴謹；Habay 老師的和藹可親；Tuku 老師的積極主動；Kalang 老師的乾淨俐落；Tipus 老師的善解人意，Sayiun 老師的幽默風趣。我就要當這樣的老師，受學生、受學校也受社會歡迎。

我被評選為優秀老師，班級也在這學期的獲得年級第一。校長在朝會時表揚我，邀請我上台勉勵同學。當我要講話時，耳邊響起媽媽的聲音：「該起床囉，懶惰蟲！」唉！原來是場夢。